



შოთა მირიანეაშვილი

ეყინვარწვერი, ბათლემის გამოქვაბული და ბათლემის ეკლესია ნაცარქმზე

ქართულ ალპინისტურ ლიტერატურში სიტყვა „ბეთლემი“ პირველად იოსებ ასლანიშვილის ნაწერებში გვხვდება — „მყინვარწვერზე ასვლა შემოდგომით“ (ტფილისი, 1928წ.).

მყინვარწვერის ექსპედიცია საქართველოს გეოგრაფიული საზოგადოების „მთასვლა-მგზავროსნობის“ განყოფილების ორგანიზებული იყო. ასვლა ხევის „პატარძალზე“ (მყინვარწვერი) კი 1927 წლის 9 ნოემბერს განხორციელდა გერგეტის მყინვარის მხრიდან, მარშრუტით, რომელიც სიმონ ჯაფარიძის მიერ იყო გაკვლეული.

კონკრეტულად რომელ ადგილს უწოდებს ავტორი (ი. ასლანიშვილი) „ბეთლემის გორას“, ჩემთვის მთლად ნათელი არ არის, მაგრამ თუ ავტორისეულ მონათხრობს დაკერძნობით — „ხუთის ნახევარი იყო, ბეთლემის გორას რომ ავადწიეთ 3150 მ. სიმაღლეზე, საიდანაც გადაიშალა თვალწარმტაცი სურათი ჩხერის, ანუ გერგეტის მყინვარის, რომელსაც ზემოდან მყინვარწვერი დასცექერის“: „ბეთლემის გორაში“ უთუოდ იმ სერის თავია ნაგულისხმევი, რომელიც ხატის მინდვრიდან (სამება) იწყება. ამას ადასტურებს სერის წვერზე ქვისგან ნაშენი სალოცავიც, რომელზეც მიუთითებს ი. ასლანიშვილი.

ამ ექსპედიციის მთაგარი მეგზურის, ცდოელი გახა წიკლაურის¹ თქმით, სამების დღესასწაულის დღეს „ბეთლემის გორაზე“ დიდალი რაოდენობის მხველნარ-მლოცველნი ადიოდნენ თურმე. „რაც შევხება ნამდვილ ბეთლემს, რომელსაც ილია ჭავჭავაძის „განდეგილით“ ვიცნობთ, უფრო წინ არის, გერგეტის მყინვარის ზემოთ, მყინვარწვერის ძირში“, — გვამცნობს ი. ასლანიშვილი.

¹ გახა წიკლაური — ცნობილი სამთო მეგზური სოფ. ცდოდან. იგი იყო მთაგარი მეგზური ა. დიდებულიძის ექსპედიციაში და 1923 წლის 3 სექტემბრის ასვლა მყინვარწვერზე პირადად მისოვის მე-16 იყო.

8 წლების, როცა მყინვარწვერისაკენ მიმავალი რაზმი² გერგეტის მყინვარის შეუძლებელი იმყოფებოდა, იაგორ კაზალიკაშვილმა³ მთასელელებს მყინვარის გადაღმა კლდეებზე მიუთითა, სადაც ბეთლემის მონასტრის ნანგრევები მდებარეობდა. ვინაიდან „მთასელა-მგზავროსნობის“ განყოფილების არცერთ ექსპედიციას ბეთლემის შესწავლა გეგმაში არ ჰქონია და ამასთან ერთად ასვლის არცერთ თბილისელ მონაწილეს „ნამდვილი ბეთლემი“ თვალით არ ენახა, ხანძოკლე თათბირის შემდეგ, მიზანშეწონილად იქნა მიჩნეული ბეთლემის ხილვა და ფოტოზე აღბეჭდვა. ბეთლემის მონასტელების მსურველთა შორის იყვნენ: სიმონ ჯაფარიძე, დევი მიქელაძე, არჩილ ბენაშვილი, ანდრია კოვალკვი (ფოტოგრაფი), იოსებ ასლანიშვილი და იაგორ კაზალიკაშვილი. გახა წიკლაურმა კი დანარჩენი ხალხით განაგრძო გზა ჩხერის მყინვარზე შავნაბადას მიმართულებით.

მყინვარის გადაკვეთისა და ნაცარქედზე⁴ ასვლის შემდეგ (ალტიმეტრი 3850 მ-ს აჩვენებდა) მათ ფეხი შედგეს კლდის ქიშე „საიდანაც ნათლად მოჩანდა ბეთლემი თავისი ნანგრევებით“, რამაც უკიდურესად აღაფრთოვანა ი. ასლანიშვილი.

როგორ ტრანსფორმირდება კონკრეტული ადამიანის ცნობიერებაში გარემომცველი სამყარო და მოვლენები, შეუცნობი საიდუმლოებაა. მეც ვმდგარვარ იმ კლდის ქიშე (ცხადია, წლების შემდეგ), რომელზეც ი. ასლანიშვილი მოგვითხრობს. ნაცარქედზე მდებარე ეკლესიის ნანგრევებს ჩემი სულიც უკიდურესად აუფორიაქებია და უამრავი საფიქრალიც აღუძრავს, მაგრამ ვერ გავიზიარებ ი. ასლანიშვილის მოსაზრებას იმის თაობაზე, რომ ილიას ნათელ ხილვა „განდეგილში“ ნაცარქედზე მდებარე ეკლესიას უკავშირდებოდეს. აი, იმ კლდის ქიმიდან რა იხილა ი. ასლანიშვილმა — „არ ვიცი, ამ კლდის თავზე იყო თუ არა ოდესმე ილია ჭავჭავაძე, რომელმაც დასწერა ლეგენდა „განდეგილი“ ბეთლემის აღწერილობით, მაგრამ მისი ლეგენდის პირველი თავი სავსებით გამოხატავს იმას, რაც ჩვენ იმ კლდიდან ვიხილეთ“.

მე კი იმ კლდიდან სულ სხვა სურათი ვიხილე — წინაპართა ამაღლებული სულის და შემართების უზენაესი სახიერება! პირადად ჩემთვის ილიას „განდეგილი“ მყინვარწვერის მიუვალ კლდეში, კაცთა ხელით ნაკვეთ გამოქვაბულს უკავშირდება, რომლის რეალური არსებობაც (არა მხოლოდ ლეგენდის სახით) 1947 წელს დადასტურდა.

როგორც ჩანს, 1927 წლის ექსპედიციის მონაწილეებს ილიას განდე-² რაზმი 7 თბილისელი და სამი ადგილობრივი მთასელელის გარდა ირიცხებოდა 10 ტვირთოს შზიდავი სტეფანწმინდიდან და სოფ. ცდოდან.

³ იაგორ კაზალიკაშვილი — ცნობილი მთის მეზური და ქართველი მთაშვლელი, იგი მეზურად ახლდა გ. ნიკოლაძის ექსპედიციას და 1923 წლის 28 აგვისტოს სავლა მყინვარზე მისოვის რაგით მეათე იყო. მისა აღანისტური მიღწეულებიდან ღირსებანიშვა უშპა (1934 წ.) და თურქელდი (1930 წ.).

⁴ ნაცარქედი — გერგეტისა და აბანოს მყინვარების გამყოფი ქედი.

გილში აღწერილი მღვიმე და ნაცარქედზე მდებარე ეკლესიის ნანგრევები ერთმანეთში აღრევიათ, რისი ნათელი დასტურიც ა. ასლანიშვილის მონა-თხრობია: „ჯაჭვი, რასაკვირველია, არ ჩანდა და ჩვენ სრულიად თავისუ-ფლად მივედით ბეთლემის ნანგრევებთან. სიმონი კი ეძებდა საკნებში ეკ-ლესიის ირგვლივ ჯაჭვს, მაგრამ ამაოდ, ჯაჭვი არსად იყო. შესაძლებელია იყო ოდესალაც, ახლა კი თვით ბეთლემის ნანგრევები თავისი მიდამოებით 3 850 მეტრის სიმაღლეზე მიტოვებული მაინც ღირსშესანიშავია მით, რომ როგორც ჩანს, იქ არა ერთი და ორი კაცი ცხოვრობდა, არამედ მრავალი. ეკლესიის ირგვლივ შორიახლო სულ ექვსი საკანია“.

იბ დროისათვის თვით ეკლესია, კლდეში ჩაშენებული, უკვე დანგრეუ-ლი იყო. „ნანგრევების ქვეშ მოსხანდა კარი... კლდეში კი, რომელზეც მი-შენებულია ეკლესია, აქმდე შემორჩენილია ამოთლილი და ზედ ჩასობილი ქვის დიდი ჯგრი“ (ი. ასლანიშვილი). კლდის ჩრდილოეთ ფასადზე ამო-ტვიფრული წარწერების თაობაზე ი. ასლანიშვილი არაფერს გვამცნობს. როგორც ჩანს, ხავსით დაფარულ წარწერებს მათ ვერ მიაგნეს.

ი. ასლანიშვილის 1927 წლის 8 ნოემბრის მონათხრობიდან იმ დასკვ-ნის გამოტანა შეიძლება, რომ იმ დროინდელ ხევში ადგილობრივი მოსა-ხლეობა ბეთლემის გამოქვაბულად მიიჩნევდა ჩხერისა და აბანოს მყინვა-რების გამყოფ ქედზე (ნაცარქედი) მდებარე ეკლესიას „სიმონი კი ეძებდა საკნებში ეკლესიის ირგვლივ ჯაჭვს, მაგრამ ამაოდ, ჯაჭვი არსად ჩანდა“.

უნდა ვთვარაუდოთ, რომ ილია, როცა ის „განდეგილს“ ძერწავდა, „ბე-თლემის“ შესახებ რაღაც ისეთ ინფორმაციას ფლობდა, რაც უბრალო მოკვდავთათვის იმ დროისთვის უცნობი იყო. ან შესაძლოა დიდი შემოქ-მედისთვის დამახასიათებელი ფარული წვდომის რაღაც განსაკუთრებულ შემთხვევასთან გაქვს საქმე:

„... და ზედ კარია გამოკვეთილი,
ვით კლდის ნაშალზე არწივის ბუდე,
ზღუდის ძირამდე რკინის რამ ჯაჭვი
ზედა ჰკიდია თურმე იმ კარსა.

და თუ არ ჯაჭვით, სხვაფრივ ვერა გზით
ვერ ძალუძს ასვლა ვერარა კაცსა...“

ილიას ხილგა და რეალობა, რომელიც მხოლოდ 1947 წელს გაცხადდა, სრულად ემთხვევა ურთიერთს. არა მხოლოდ ქალაქად, არამედ ხევშიც (სტეფანწმინდა), ბეთლემის გამოქვაბულს, რომელიც ილიას „განდეგილში“ ხატოვნად აქვს აღწერილი, ლამაზ ლეგენდად მიიჩნევდა ყველა, ვიდრე ყაჩ-ბეგის მაღალმთიანი მეტეოროლოგიური სადგურის თანამშრომელმა (ი. ხუ-ციშვილმა) 1947 წლის ერთ შევენიერ დღეს, მოყვითალო კლდოვანი ბასტიო-ნის ცენტრში, დაახლოებით 4100 მეტრის სიმაღლეზე, ბეთლემის მღვიმე და მის კარზე დაკიდებული ჯაჭვი არ იხილა. ლეგენდა ბეთლემის შესახებ

სრულად გაცხადდა ზუსტად ისე, როგორც განდგილშია აღწერილი.

ბეთლემის კარი პირველად მე 1957 წელს შევაღე. იმ წლის შემოგომაზე უნივერსიტეტის ფილოლოგიის ფაკულტეტის თანამშრომელთა და სტუდენტთა ერთ ჯგუფს, ბატონ ლევან მენაბდეს თავკაცობით, ბეთლემის გამოქვაბულის მონახულება სურდა. ამ ლონისძიებაზე, რომელიც ილიას მკვლელობიდან 50 წლისთავზე მოქმედობილი მეგზურებად ისუ ალპსექციის მთამსვლელები მიგვიწვიეს. ჩემს გარდა მთამსვლელეთა ჯგუფში შედიოდნენ: ფილოლოგი გიორგი აბაშიძე, ფიზიკოსები: ოთარ ხაზარაძე, ლევან ლლონტი და გიორგი როსტომაშვილი. სულ 50-მდე ადამიანი ვიყვაით.

მეტეოროლოგიურ სადგურს რომ მივაღწიეთ, იქ თანამშრომლების გარდა, მწერალთა კავშირის მიერ მოწყობილი ესპერიციის მონაწილეთაგან, ქალბატონი ალექსანდრა ჯაფარიძე და მწერალი ლევან გოთუა დაგვხვდნენ. შესაძლოა, ახალგაზრდობის დიდმა ნაწილმა არ იცოდეს, ვინ იყო ალექსანდრა ჯაფარიძე ან ლევან გოთუა, თუმცადა არ მინდა ბოლომდე ვირწმუნო ეს. ვიტყვი მხოლოდ იმას, რომ ჩემთვის და ჩემი თაობის გოგო-ბიჭებისთვის ეს ის ადამიანები იყვნენ, ვინც სიცოცხლეშვე ლევენ-დად იყვნენ ქცეულნი.

მეორე დღეს ბეთლემის გამოქვაბულისგან დავიძარით მეტეოროლოგიური სადგურის თანამშრომელი გამოგვევა. საქმე ისაა, რომ 4100 მეტრის სიმაღლის ფრიალო კლდეზე გამოკვეთილი მღვიმე, „არწივის ბუდესავით“ რომ მოჩანს შორიდან, როგორც კი კლდეებს მიუახლოვდები, თვალთახედვიდან ქრება და ბეთლემისაკენ გზის გაკვლევა ამ გარემოცვაში, პირველად მოხვედრილი კაცისთვის, თითქმის შეუძლებელია. როცა ბეთლემის გამოქვაბულის ძირს მივაღექით (იქამდე მისვლა, გზის სირთულის თვალსაზრისით, მაინცდამაინც არ გაგვჭირვება), გამოქვაბულის კარზე, რომელიც ჩვენგან ოციოდე მეტრის დაშორებით იყო, რკინის ჯაჭვი ეკიდა რამდენიმე რეოლით. ალბათ, უწინ მისი სიგრძე ბაქნამდე სწოდებოდა, ქმლა კი ჯაჭვის მხოლოდ ნაწილი იყო შერჩენილი.

ბაქნიდან პირდაპირ (ჯაჭვის მიმართულებით) ასვლა კარგ ალპინისტ-საც გაუჭირდებოდა. არ გამოვრიცხავ იმასაც, რომ ჯაჭვამდე მისასელელი კლდეები დროთა განმავლობაში ჩამოინგრა, რის გამოც იგი პაერში გამოეკიდა. თვით გამოქვაბული ფრიალო მოყვითალო კლდეზეა გამოკვეთილი. შესაძლოა, რომ ადამიანმა ბუნებრივ გამოქვაბულს მიაგნო და შემდეგ იგი მნიშვნელოვნად გააფართოვა. კარების ჭრილი დახვეწილი გეომეტრიული ფორმის ოთხეუთხედს წარმოადგენს. თვით მღვიმე თაღლვანი ფორმისაა, იატაკი კი ფილებით მოპირკეთებული. როგორც კარის ჭრილი, ასევე მღვიმის შიდა სივრცე ადამიანის მირ რკინის საჭრეთლით გამოქანდაკებული საოცარი ქმნილების შთაბეჭდილებას ტოვებს.

კლდის მარჯვენა მხარე საცოცად მესამე კატეგორიის სირთულეს არ

აღემატებოდა. 15 მეტრი ვერტიკალში და შემდეგ ხუთიოდე მეტრი ტრავერსი, ჯაჭვის დონის მიმართულებით, ვიწრო ბაქანზე გაგიყვანს, საიდანაც ჯაჭვის დახმარებით გამოქვაბულს იოლად მიაღწევ. როცა მღვიმის კართან აღმოგნდი, კლდეში პალო ჩავასვი და თოკი ამოსასვლელად პირდაპირ ქვედა ტერასაზე დავუშვი. ჩვენს ბიჭებს, მხედველობაში ალპინისტები მყავს, თოკის დახმარებით ამოსვლა არ გასჭირებიათ. რაც შექება ფილოლოგის ფაკულტეტის პედაგოგებს და სტუდენტებს, მათ ვერც თოკმა უშენებელი და ვერც ჩვენმა ძალისხმევამ, მხოლოდ ერთი სტუდენტის აყვანა შევძლით.

იმ წელს იღიას „განდეგილი“ ცალკე წიგნად გამოიცა. სწორედ „განდეგილის“ ეს ახალი გამოცემა დავასვენეთ გამოქვაბულში. იყო წინასწარ შეთანხმება იმის თაობაზე, რომ ყველა, ვინც ბეთლემის კარს შეაღებდა, ახლად გამოცემულ „განდეგილზე“ თავის აუტოგრაფს დასტოვებდა. ვინაიდან ბეთლემში ასვლა ვერ მოხერხდა, „განდეგილი“ თოკით დავუშვით ქვედა ტერასაზე, სადაც სტუდენტებმა და მათმა პედაგოგებმა ხელმოწერით დაამშვენეს. რა ბედი ესა 1957 წელს გამოცემულ „განდეგილის“ ბეთლემურ ნიმუშს, არ ვიცი, შესაძლოა დღესაც ბეთლემშია მისი ბინა.

ჩვენი ექსპედიცია ამით არ დამთავრებულა. მეორე დღეს დილაალრიან მყინვარწვერზე ასასვლელად გავედით, პირდაპირ შუბლში, შეტეოსადგურის მხრიდან (გველეშაპის კუდის მიმართულება). ამ გზით მყინვარწვერზე ასვლა პირველად შოთა მიქელაძემ და მისმა მეწყვილემ სცადეს. ეს ასვლა ტრაგიკულად დამთავრდა. მწვერვალის გუმბათზე გასვლისას შოთას მეყწვილე მოწყდა, შოთამ მისი შეჩერება ვერ შეძლო და თოკში ჩაბმული წყვილი თავქვე დაექანა. გარდინის მიმართულება „გველეშაპის კუდს“ დაემთხვა. თოკი ქვის შვერილებს გამოედო და მთამსვლელთა ვარდნაც შეჩერდა, თუმცადა შოთა სერიოზულად იყო ტრამვირებული. მთელი ღამე შოთა მიქელაძე განცდილის და ადამიანის ამქვეყნიური დანიშნულების ფიქრებით იყო მოცული და მიუხედავად საბედისწერო ვითარებისა, რომელშიც ის აღმოჩნდა, ყოველივე ამის შესახებ ჩანაწერები დაგვიტოვა.

როგორც აღმოჩნდა, ავბედითი ღამის ის ჩანაწერები შ. მიქელაძის უკანასკნელი აღსარება იყო. შ. მიქელაძე მეორე დღეს, დაშვებისას მოწყდა და დაიღუპა, მისმა მეწყვილემ კი როგორდაც მოახერხა ცოცხლად გადარჩენა... შ. მიქელაძის ეს ჩანაწერები მის მეგობარს დარჩა, ასმათ ნიკოლაიშვილს, რომელიც მაშველ ჯგუფს ხელმძღვანელობდა. დეიდა ასმათი აგი აბაშიძის ახლო ნათესავი იყო. შ. მიქელაძის ეს ჩანაწერები აგის დეიდა ასმათისთვის გამოურთმევია და თან წამოუღია მარშრუტზე. ამის თაობაზე აგიმ, ბეთლემის გამოქვაბულიდან რომ დავბრუნდით, მაშინ გამანდო. გადავწყვიტეთ, გველეშაპის კუდზე, ზუსტად იმ ადგილას, სადაც თავისი უკანასკნელი ღამე გაათია შოთა მიქელაძემ, დაგვედგა კარავი და ღამე შოთა მიქელაძის უკანასკნელი ჩანაწერების კითხვაში გაგვეთია. ასეც მო-

ვიქეცით, მოუხედავად იმისა, რომ საკმარისი დრო იყო იმისათვის, რომ მწვერვალზე ავსულიყავით, ღამე „გველეშაპის კუდზე“ გავათიერ.

დღეს, 51 წლის შემდეგ, ცხადია, დეტალებში არ მახსოვს შ. მიქელაძის უკანასკნელი დამის ჩანაწერები, მაგრამ ის კი ჩამრჩა მეზსიერებაში, რომ ეს იყო ნამდვილი კაცის დამშვიდობება მეგობრებთან და მის საოცნებო ქვეყანასთან, რომელსაც საქართველო ჰქონდა.

მეორედ ბეთლემში 1966 წელს მოუხვდი. იმ წელს იაპონელ მთასვლელებს ველოდით საქართველოში. იაპონელებს ყველაზე მეტად მყინვარწვერზე ასვლა წარადათ. ასვლა გერგეტის მყინვარიდან კლასიკური მარშრუტით იყო დაგეგმილი. იაპონელ მთამსვლელთა დელეგაციას, ცხადია, ყაზბეგის მაღალმთიანი მეტეოროლოგიურის შენობაში რამდენიმე დამის გათევა მოუხდებოდათ. სწორედ ამ მოტივით, შე, გიორგი აბაშიძეს და დიმიტრი დანგაძეს დაგვაგლეს მეტეოროლოგიურში ასვლა და იაპონელთა დასახვედრად ყველა პრობლემის მოგვარება. მეტეოროლოგიურში რომ ავედით, ყველა საკითხი, რომელიც იაპონელ მთამსვლელთა დელეგაციის მიღებასთან იყო დაკავშირებული, წარმატებით იყო მოგვარებული. თურმე ნუ იტყვი, ყაზბეგის პარტიის რაიონმს საკუთარ კონტროლზე ჰქონდა აყვანილი მეტეოროლოგიურის წესრიგში მოყვანა და იქ იაპონელთათვის ნორმალური პირობების შექმნა.

ამდენად, მეტეოროლოგიურში ასულები, საქმის გარეშე აღმოგჩნდით. იაპონელთა ამოსვლამდე კი სამი დღე რჩებოდა. რა უნდა გვეკეთებინა ამ დღეებში! ჯერ კიდევ იმ დღეს, როცა მეტეოროლოგიურისაკენ მიმავალ ბილიკებს აღმა მივყვებოდით, მიტომ უცნაური რამ ამბავი გამანდო. რამდენიმე წლის წინ მას ნაცარქედზე მდგარა ეკლესის მახლობლად, 3750 მ სიმაღლეზე ქალის შიშველი, თავწამტვრეული ბიუსტი უნახავს. შიშველი გულმკერდი თეთრი ქვისგან ყოფილა ნაკვეთი. როგორც მიტომ ამიხსნა, ბიუსტი საკამოდ მძიმე ყოფილა, რის გამოც მაშინ მისი წამოლება ვერ შეძლო. ალბათ, დიმიტრი ვერ მიხვდა, თუ რა უნიკალურ ნივთს წაწყდა, თორემ როგორ მიატოვებდა! ქართულ ეკლესიაში შიშველი ქალის ტორსი — წარმოუდგენელი რამ არის.

მეორე დღეს ნაცარქედისკენ იმ განხრახვით წავედით, რათა მიტოს მიტოვებული ძვირფასი ნივთი მოგვეძია. ჩაქცეულ ეკლესიას უპრობლემოდ მიუვანით, ვინაიდან ის ნაცარქედზე აუშენებიათ, ზუსტად იმ ადგილზე, სადაც ქედის თითქმის პორიზონტალური უბანი კლდოვან კონტრფორსში გადადის, რომელიც თავად ბეთლემის გამოქვაბულის ფრიალო კლდის ზღუდეს ებჯინება. ეკლესის დასავლეთი კედლის როლს ამ კონტფორსის 20 მეტრი სიმაღლის და რამდენიმე მეტრი სიგანის ფრიალო კლდე ასრულებს, რომლის წვერზეც, კლდეში სპეციალურად ამოკვეთილ ფოსოში თეთრი ქვის მოზრდილი ჯვარია ჩასობილი. ბევრი ვეძებეთ, მაგრამ საწა-

დელი ნივთი ვერსად ვნახეთ. იმქამად მყინვარწვერს ყოველ წელს ათასობით „სტუმარი“ ჰყავდა სსრკ-ს თითქმის ყველა კუთხიდან. ეტყობა, ვიღაც უცნობმა „ტურისტმა“ ხელს გააყოლა ქვაში გამოკვეთილი ქალის გულ-ძკრდი, რომელმაც ასე აღაფრთვანა თავის დროზე ახალგაზრდა ქართველი მხატვარი დიმიტრი დანგაძე.

რაც ჩემმა თვალებმა ნახა ნაცარქედზე ჩაქცეული ეპლესიის სახით, ის ნათება დღემდე არ ჩამქრალა. იმ კლდის ჩრდილოეთ ფასადზე, რომე-მლსაც ეკლესია დასავლეთის მხრიდან ებჯინებოდა, ხავსის ქვეშ ამოტვი-ფრული ჯვარი და რაღაც წარწერები მოჩანდა. ჩვენ დიდი სიფრთხილით და გულმოდგინებით კლდე გავწმინდეთ და ყველაფერი, რაც ხავსის ქვეშ იმალებოდა, 16 მმ კინოფირზე გადავიდეთ.

17 საათს იყო გადაცილებული, როცა შეტეოსადგურში დაგბრუნდით. მთელი არსებით დღის განცდილით ვიყავი მოცული. გადავწევიტე, ჩაქცეული ეკლესია გამეტმინდა და ამის თაობაზე ბიჭებს შევუთანხმდი. იაპონე-ლების ამოსვლამდე კიდევ ორი დღე რჩებოდა.

გათენდა თუ არა, ეკლესიას მივაშურეთ. წყნარი, მზიანი დარი იდგა. ნაცარქედზე გასვლას ერთ საათზე ნაკლები დრო მოვანდომეთ. ეკლესიის სახურავი ჩაქცეული იყო. დიდი ქვის ჯვარი, ორად გაპობილი, იქვე ეკლე-სიის გვერდით ეგდო, ჩრდილოეთ ფასადის მხრიდან. ჯვარის ორივე ნატეხი ავიტანეთ და ძველ ადგილას მოვათავსეთ — კლდის თავზე. როცა ეკლესია მთლიანად გავწმინდეთ, მიწაში სანახევროდ ჩაფლული, ორად გაპობილი, ორნამენტით დამშვენებული ქვის საქმაოდ მოზრდილი ჯამი და ოთხეულის სვეტის თავი გამოჩნდა. მის ორივე მხარეს წმინდა გიორგის მიერ ურჩხულის განგმირვის სცენები იყო გამოკვეთილი.

იმ დღეს მთელი დღე ვიმუშავეთ. ეკლესიის ერთ კუთხეში, მიწაში მთლად ჩაფლული, მოზრდილი (არანაკლებ 0.80 მეტრის სიმაღლის, 50 სმ დამეტრის) ოვალური ფორმის ქვის ფიგურა ამოვთხარეთ. სიმართლე გითხრათ, მისი დანიშნულება ჩვენთვის დღესაც უცნობია. ჩემი ვარაუდით, შესაძლოა ნაყოფიერების სიმბოლიკის მატარებელი იყო წარმართული ხა-ნიდან ქრისტიანობაში გადმოსული.

გათხრებს ართულებდა ის გარემოება, რომ მიწის ქვედა ფენები გაყი-ნული აღმოჩნდა და მხოლოდ ფენა-ფენის (30-30 სმ) მოხსნა იყო შე-საძლებელი, ისიც კარგა ხნის ინტერვალით (1.5-2 სთ). მუშაობა მეორე დღესაც გავაგრძელეთ. ძესამე დღეს ისტორიკოსი გერმან მირიანაშვილიც ჩაერთო სამუშაოებში (ის წინა საღამოს ამოვიდა მეტეოსადგურში და ჩვე-ნი გათხრების თაობაზე არაფერი იცოდა). როცა გათხრების ადგილი და-ათვალიერა, ჩვენ მიერ ნაპონი ნივთებით აღფრთოვანებული დარჩა. მისი თქმით, სვეტის თავზე გამოსახული წმინდა გიორგის და გველეშაპის სცე-ნები აღრუულ შუა საუკუნეზე მიუთითებდნენ. მაგრამ საბოლოო დასკვნის

გაეთება მხოლოდ საფუძვლიანი შესწავლის შემდეგ იყო შესაძლებელი. ქვის ქანდაკება კი, მისი აზრითაც, ნაყოფიერების სიმბოლიკის წარმართულ ხანას მიეკუთვნებოდა.

იმ დღეს კიდევ 60-80 სანტიმეტრის სიღრმეზე ჩავედით. საეკლესიო ღმრთისმსახურების რამდენიმე კარგად შენახული ნივთი ვნახეთ, მათ შორის ხის ჯვარზე გაკრული ქრისტეს გამოსახულებაც. მოვიძიეთ მინის (ცისფერი) ჭურჭელიც, მაგრამ მისი ყინულიდან გათავისუფლება ვერ შევძელით, ხელში ჩაგვატყდა, რის შემდეგაც გათხრები შევაჩერეთ.

ნაცარქედის ჩრდილო ფერდობზე, ეკლესიის მახლობლად, რამდენიმე ნაგებობის ნიშნები ჩანდა. ალაგ-ალაგ დაზვავებული იყო შავი ფიქალის ბრტყელი ფილები (ამ მიდამოებში ფიქალი არ მოიპოვება. ესენი ქვემოდან არის ამოტანილი და სახურავის საფარად იქნებოლა გამოყენებული). ჩვენ ათამდე ასეთი ნაგებობის ნაშთები დავაფიქსირეთ ყველაფერი იმის მაუწყებელი იყო, რომ ადრეული ხანიდან ამ ადგილას რაღაც სამონასტრო კომპლექსი ფუნქციონირებდა.

მეოთხე დღეს იაპონელებიც ამოვიდნენ მეტეოსადგურში. აკლიმატიზაცია მათაც ესაჭიროებოდათ და შემდეგი დღე ბეთლემში ასვლას და ნაცარქედზე ეკლესის ნანგრევების დათვალიერებას დაუუთმეთ. იაპონელები ალფროვანებულები დარჩენენ, როგორც ბეთლემის მღვიმით, ასევე იმ ნივთებით, რომლებიც ჩვენ მოვიძიეთ.

ვინაიდან იაპონელ მთამსვლელთა ტვირთი გერგეტიდან მეტეოსადგურამდე ცხენებით ამოიტანეს, შესაძლებლობა მოგვეცა, გათხრების შედეგად მოპოვებული ნივთები ცხენებზე აგვეკიდა და ყაზბეგში ჩაგვეტანა. მათი პატრონობა გერმან მირიანაშვილმა ითავა. მოგვიანებით ჩვენს გათხრებს მან ვრცელი წერილი მიუძღვნა, რომელიც გაზრდ „კომუნისტში“ დაიბეჭდა.

მყინვარწვერიდან რომ ვძრუნდებოდით, ვახტანგ ქირიკაშვილმა მე და დიმიტრი დანგაძე შეგვაჩერა და გვითხრა: ერთი საიდუმლოება მინდა გაგანდოთ, რომელიც ჯერ არავისოვის გამიმხელიაო. ეს ამბავი გერგეტის ენის მახლობლობაში ხდებოდა. ყველა წინ იყო წასული ჩვენ სამის გარდა. ვახტანგმა ბინოკლი მოიმარჯვა და გვითხრა: „ნაცარქედზე რომ ეკლესიის ნანგრევებია, იმ ადგილს ხომ ხედავთ, მის ზემოთ ქედი კლდოვან კონტრფორსში გადადის. ამ კონტრფორსის კლდეები მეტეოსადგურს რომ დაჰყურებს ზემოდან, კიდევ ერთ ხელოვნურ გამოქვაბულს ფარავს“. ისიც დასძინა, რომ ახალი მღვიმე მხოლოდ ამ ადგილიდან მოჩანს, საქმარისია რამდენიმე მეტრით გადაინაცვლო და მღვიმე თვალთახედვიდან ქრება.

ვინაიდან ვახტანგმა ზუსტად მიმანიშნა ადგილი, ბინოკლის დახმარებით მისი ხილვა არ გამჭირვებია. ის, რომ ახალი მღვიმე ბუნებრივი წარმომავლობის არ იყო, კარის სწორი მართკუთხა ჭრილი ადასტურებდა. მღვიმის კარი ჩამოშლილი იყო, მაგრამ ხის ძელები, რომელზეც ალბათ

კარები ეკიდა, ჯვარედინად იყო ჩახერგილი მღვიმის ჭრილში და კლდების შედარებით მუქ ფონზე კარგად იმზირებოდა.

ჩვენ ერთად გვინდოდა იმ ახალ გამოქვაბულში შეღწევა, მაგრამ ბედ-მა სხვაგვარად განსაჯა. ვახტანგი ავტოკატასტროფაში დაიღუპა. მე და მიტომ ვახტანგის დაღუპვიდან მეოთხე წელს ვცადეთ გამოქვაბულის მიგნება და მასში შესვლა. იმ ადგილიდან, საიდანაც 1966 წელს პირველად ვიზილეთ, ამჯერადაც არ გაგვიძნელდა მისი დამზერა. ზუსტი ორინეტი-რები ავიდეთ და გამოქვაბულის მიმართულებით ავიდეთ გეზი. ვახტანგი მართალი აღმოჩნდა. როგორც კი რამდენიმე ათეული მეტრი გავიარეთ, გამოქვაბული თვალთახედვიდან გაქრა. ჩვენ მტკიცედ გვქონდა განზრა-ხული, მიზნისთვის მიგვეღწია. ორინეტირებიც მონიშნული გვქონდა და რაც უფრო ვუახლოვდებოდით კლდეების ფრონტს, რომლის შუაგულშიც გამოქვაბული გველოდებოდა, ახალ-ახალ სამიზნესაც ვირჩევდით.

ეს კლდეები ცენტრში მთელ სიმაღლეზე ავიარეთ და კონტრფორსზე გავეძით. შემძეგ პირველი ვარიანტის მარცხნივ და მარჯვნივ მოვნიშნეთ ბედი. გამოქვაბული არსად ჩანდა. მის ქებნაში მთელი დღე დავკარგეთ. დარჩენა აღარ შეგვეძლო. თბილისში ექსპედიცია გველოდებოდა, როცა მყინვარის ენამდე დავეშვით, საღამოს უამი იყო. შეე მყინვარწვერის იქით იყო ჩასვენებული. გამოქვაბული ზუსტად იქ მოჩანდა, საღაც მთელი დღე დავბორიალობდით.

გადავწყვიტეთ, რომ შემდგომში აუცილებელად რაციებით აღვიჭურვებოდით. ერთ-ერთი ჩვენგანი მყინვარზე დარჩებოდა, ხოლო მე და მიტო გამოქვაბულის მოსაძიებლად წავიდოდით. ამ შემთხვევაში საჭირო იყო „საქმეში“ ახალი წევრების ჩართვა. ჩვენი არჩევანი უყოფმანოდ ოთარისა და გიორგიშე შეჩერდა.

მხოლოდ 70-იანი წლების ბოლოს მომეცა შესაძლებლობა კვლავ განმეორდო ახალი გამოქვაბულის ძებნა. ივნისის შუა რიცხვებში მყინვარწვერზე მყავდა თანრიგოსანთა მოზრდილი ჯგუფი. როგორც ზემოთ მსვლელობისას, ასევე მყინვარწვერიდან დაბრუნებულმა დიდხანს ვეძიე გამოქვაბული (ცხადია, ვიზუალურად), მაგრამ ის უკალოდ გამქრალიყო კლდეთა შინა. როგორც ჩანს, ხის ძელები, რომელზედაც კარი იყო ჩამოკიდებული, გარემოებათა გამო ალბათ საღალაც უფსკრულში ჩაიჩეხა და თვალთახედვის არედან გაქრა. მათ გარეშე კი მღვიმეში შესასვლელი, რომელსაც ჩერის მყინვარის ენიდან ფრონტალურად უცქერ, კლდეთა ლაბირინთების ფონზე ძნელად გასარჩევი ხდება.

მიუხედავად ამისა, მე იმედს არ ვკარგავ, რომ კლდეთა ტევეობაში მომწყვდეულ ამ მღვიმეს, ადრე თუ გვიან, აუცილებლად მივაგნებთ. ხომ გვამცნობს ვახუშტი თავის ფუნდამენტურ ნაშრომში „აღწერა სამეფოსა

საქართველოსა⁵, რომ მყინვარწვერის კლდოვან კალთებზე კაცთაგან „ქვა-ბნი“ არისო ნაკვეთი.

ზუსტად არ მახსოვს, როდის გუაბბე წვრილად პარმენ მარგველაშვილს ნაცარქელზე მდებარე ეკლესიისა და იქ წარმოებული გათხრების თაობაზე. ერთი კი უდავოა, რომ ჩვენი საუბარი 1978 წლის 28 მაისს უნდა უსწრებდეს, ვინაიდან სწორედ ამ დღეს ჩვენი ჯგუფი (უნივერსიტეტის მთამსვლელები მყავს მხედველობაში) ჩხერის მყინვარით მეტეოსადგურისკენ მიიკვლევდა გზას. ამ ლაშქრობაში, რომელსაც ორი ამოცანა ჰქონდა დასახული — მყინვარწვერზე ასვლა და ნაცარქელზე მდებარე ეკლესიის დეტალური დათვალიერება, პარმენიც მონაწილეობდა. თეორიული ფიზიკის კათედრის დოცენტი პ. მარგველაშვილი იმ ხანად უნივერსიტეტის ახალგაზრდა მეცნიერთა გაერთიანების თავკაცი იყო. ამ ორგანიზაციასა და თუ ალპინისტურ სექციას შორის მიღწეული იყო შეთანხმება ბეთლემის ეკლესიის კომპლექსური გამოკვლევის თაობაზე, რაც თავის თავში, ცხადია, გულისხმობდა საფუძვლიან არქეოლოგიურ კვლევებსაც. არქეოლოგიური გათხრების წარმოება კი გამორიცხული იყო ძეგლთა დაცვის სახელმწიფო კომიტეტის სპეციალური ნებართვისა და მათივე მონაწილეობის გარეშე. აღნიშნულ პრობლემათა მოგვარება პარმენმა ითავა.

სამწუხაროდ, 1978 წლის მაისის ეს ლაშქრობა ჩხერის შუაგულ მყინვარზე დამთავრდა. კიდევ ერთხელ დადასტურდა ის მარტივი ჭუშმარიტება, რომ მყინვარებზე, მით უმეტეს მაშინ, როცა ნაპრალები თოვლით არის დაფარული, თოვში ჩაბმის გარეშე სიარული ფრიად სახიფათოა. წინ მიმავალი დიმიტრი (მიტო) დანგაძე თავისი სენბერნარით ნაპრალში ჩაგვიყარდა.

მყინვარის შუა წელში, სადაც ეს ამბავი მოხდა, ყინულის სისქე 400 მეტრს სჭარბობს. ნაპრალი, რომელშიც მიტო ჩაგარდა, საკმაოდ ღრმა აღმოჩნდა — 40 მეტრზე მეტი. საბედნიეროდ, მიტომ სულ რაღაც 6-7 მეტრი ითვინა, ზუსტად ამ აღგილას ნაპრალის ორი კიდე ყინულის ხიდით იყო შეერთებული. ამ ხიდმა შეაჩერა მიტოს ვარდნა, თუმცადა სერიოზული ტრავმა მიიღო და გზის გაგრძელება ვეღარ შეძლო. რაც შექება ძაღლს, ის ნაპრალში ბოლომდე ჩაენარცხა და გროვშიც აღმოჩნდა. ვინაიდან ნაპრალში უკუნეთი სიბნელე იყო და, რაც მთავარია, ძაღლი დაღუპულად მიგვაჩნდა, მისი ძებნა იმ უამაღ აღარ დაგვიწყია, მით უმეტეს, რომ პატრონი გვყვადა გადასარჩენი.

ის დამე ნაპრალთან ვათიეთ (მიტოს სიარული არ შეეძლო). შუაღამე იქნებოდა გადასული, როცა ნაპრალიდან ძაღლის ეფეფამ ამოაღწია ჩვენამდე. ის თურმე მთელი ამ ხნის განმავლობაში უგონოდ ეგდო, თუმცადა საღსალამათად იყო გადარჩენილი. ძაღლი, ცხადია, ამოვიყვანეთ, მის სიხარულს საზღვარი არ ჰქონდა. ასე დამთავრდა ეს ლაშქრობაც და ახალი

⁵ სტალინის სახ. თბილისის სახელმწიფო უნივერსიტეტის გამომცემლობა. თბილისი, 1941.

გამოქვაბულის მოძიების შანსიც გაურკვეველი დროით გადაიდო.

რაც შექება არქელოგიურ გათხრებს ნაცარქედზე, რომელიც 1978-1979 წლებში ზაფხულის პერიოდში მიმდინარეობდა, მათში მე მონაწილეობა ვერ შევძელი, გათხრებს კი პარმენი ხელმძღვანელობდა. ამის უპირველესი მიზეზი ის გახლდათ, რომ 1962-1985 წლებში საქართველოს მთამსვლელთა ნაკრებსაც ვედექი სათვეში, ზაფხულის განმავლობაში მთლიანად ალპინიზმით ვიყავი დაკავებული და გასაგებია, რომ თავისუფალი დრო სხვა საქმიანობისთვის პრაქტიკულად არ მქონდა.

80-იანი წლების ბოლოს კიდევ ორჯერ მქონდა მცდელობა, მეტოვა ახალი მდგიმე. პირველ შემთხვევაში უპირველესად ბეთლემის მღვიმეს ვწვევი ჩვენი ეკლესის მამამთავრის, უწმინდესი და უნეტარესი ილია II -ის დაგალებით. იმ წელს მისმა უწმინდესობაში იერუსალიმიდან ჩამოიტანა ღვთისმშობლის ხატი და მისი დასვენება ბეთლემში ისურვა. საპატრიარქოს ეს დაგალება, ცხადია, დაუყოვნებლივ აღვასრულეთ. ყოვლადწმიდა ქალწული მარიამის ხატი ბეთლემში ავიტანეთ და იქ მიუწინეთ სამუდამო ადგილ-სამყოფელი.

ხატის დასვენება ბეთლემის ქაბში ფირზე გოგა ხაინდრავამ აღბეჭდა, ისევე, როგორც მთელი გზაც, რომელიც ხატთან ერთად გავიარეთ. დოკუ-მენტური ფილმი საპატრიარქოს გადავეცით იმ ვიდეოკამერასთან ერთად, რომლითაც ფილმი გადავიღეთ. როცა პატრიარქის დაგალება პირნათლად შევასრულეთ, მე და დიმიტრი დანგაძემ ვცადეთ, 1966 წელს შორით ნახული გამოქვაბულის მიგნება, მაგრამ ამაოდ. თუმცადა მის ძებნაში ნაცარქედის ეკლესის ზემოთ კლდეები თითქმის მთლად მოვიარეთ. ბეთლემის გამოქვაბულის დონეზე, მხოლოდ აპანოს მყინვარის მხრიდან, შვეულ კლდეზე ახალ გამოქვაბულსაც მივაგენით, მაგრამ მარშრუტი იმდენად რთულად მოგვეჩვენა, რომ მასში შეღწევა სხვა დროისათვის გადავდეთ.

1989 წელს, პარმენთან ერთხელ ვესტუმრეთ მყინვარწვერს. ამჯერად მთვარი ამოცანა იყო წინა წელს ნახულ გამოქვაბულში შეღწევა. გამოქვაბულში, რომელიც ბუნებრივი აღმოჩნდა, არწივებს დაედოთ ბინა. ბეთლემის კომპლექსი კი, რომელიც ადრეული შუა საუკუნეებიდან მომდინარეობს, ქართველთათვის უაღრესად ღირებულ ისტორიულ ძეგლთა რიცხვს მიეკუთვნება და მისი აღდგენა ჩვენი თაობის ვალია.

რაც შექება მყინვარწვერს, ის, ვფიქრობ, ჩვენი სულიერი ამაღლების სიმბოლოდ უნდა დავისახოთ.